



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Quàm tribulationem carnis, & cur habeant coniuges?

urn:nbn:de:hbz:466:1-45686

404 Cap. XXXVII. Cur Deus quosdam coniuges finat esse steriles

pletos ostendent judicia Dei ad suas causas reuocata, quæ paulo attentiùs expensa omnem amouent à matrimonij reprobationem, omnemque diuinæ prouidentiæ dispositionem demonstrant prædicabilem & gloriandam.

III.

I. Cor. 7, 28.

S. Basilius lib.
de sancta
virg.

Gen. 3, 16.

S. Ambros.
serm. 90.

Atque in primis è D. Paulo, sciendum est, matrimonij statum, non esse statum ita felicem ac beatum, ut nullis in commodis, aut procellis verberetur. Verum est, si nasperit virgo (libera, & innupta, nec Deo consecrata) non peccasit: tribulationem tamen carnis habebunt huiusmodi, aperientes sibi, per coniugij copulam, dolorum officinam, inquit S. Basilius. Est enim tribulatio carnis, quæ circa carnem versatur, & carnem affigit, eaque sane, in matrimonij multiplex. Nam præter seruitutem mutuam, curas, timores, zelotypiam, tixas, familiæ apparatus, opum, affinitatum, statuum curandorum & augendorum sollicitudinem, mariti, aut uxoris dominationem, garrulitatem, cholera, linguam, vngues, claves, fustes, socordiam, ebrietatem, prodigalitatem, paupertatem, planè etiam illa, quæ paulo prius, recensita sunt, coniuges multos comitantur. Quid ita? 1. Quia Deus nullum omnino, in hac vita, statum voluit esse omni ex parte beatum, ne vera illius æternaque beatitudinis homines obliuiscerentur. 2. Ut sentiretur illa peccato debita maledictio: *Multiplicabo arumnas tuas, & conceptus tuos: in dolore paries filios, & sub viri potestate eris, & ipse dominabitur tui;* itemque, *in sudore vultus tui vesceris panem.* 3. Quia, ne virgo, quæ cum S. Agneta dicere potest, regna mundi & omnem gloriam eorum contempsit, propter amorem Domini mei IESV Christi, in matrimonio, sibi omnia aurea & mellea imaginaretur, quemadmodum Paulus, ita & ipse Deus, tribulationem carnis, voluptati carnis, quæ in coniugio est, opposuit, ostenditque spinas in rosis latere, absinthiumque saccharo permistum coningibus propinari. Adeò enim voluptas illa vilis & cum brutis communis, ac verecundiae plena, momentoque transiens, per tot, & longe gratiores tribulationes, eliditur, ut vix estimari mereatur. Et sit quantacunque putatur, profecto magnis & multis incommodis illico, solet magno fœnore, compensari. Quæ si quis nosse vult, audiat passim, apud amicos, conque-

conquerentes coniuges. Alij enim lamentantur, se prole carere; alijs, si proles est in spe, prægnantium vxorum morbos accusant, & cum ægrotantibus ægrotant. Statim enim etiam postquam concepta est soboles, subeunt fastidia stomachi, insomnia mentis, vertigines capitis, dentium dolores, melanocholia, præcordiorum angustiæ, peregrini & planè absurdi appetitus, defectus virium, imbecillitates insolitæ, totiusq; naturæ perturbatio. Quin & acerrimi sequuntur in partu cruciatus; qui aliquando tantisunt, ut, dum prolem in lucem promouent, matrem luce priuent. Neque enim è viuis duntaxat matribus mortui sæpè liberi prodeunt; sed etiam non raro viui infantes, è mortuis matribus exciduntur. Vnde aiunt & primum *Cesarem*, à cæso matris vtero, esse cognominatum. Et quanquam etiam auspicatiū quis nascatur, tamen quantæ inde molestiæ turmatim exurgunt? quanti nascuntur labores? quām assidui, in domo, ploratus & eiulatus? An non proles edita mox quotidie & continuò mundanda est, cibanda, fascienda, vestienda, reponenda, cunis agitanda, ut dormiat? eximenda, ut fugat? disponenda, ut exoneret? verbis & cantu assidue mulcenda, ne ploret? ita ut matres, totos dies & noctes, circa infantes occupentur, nec aliud fere facere, aut cogitare possint. Omitto sordes, pædorem, lauationes mille, morbos innumeros, pericula assidua tam matrum, quām parvuloru. Hæc talia tanquam acetum sunt coniugalis voluptatis.. Hæc inobediens illa mater meruit cui dictum est: *Multiplicabo ærumnas tuas, & conceptus tuos: in dolore paries. His malis libera est virginitas, inquit S. Chrysostomus, & continentia. In coniugio autem hanc facile est, hac non inuenire. Quod si in rebus, que secunde videntur, tantæ molestiæ ac calamitates existunt, quid in illis fieri dices, quas aduersas esse constat? non enim est coniunx de una morte sollicita, licet illi semel tantum moriendum sit; neque præ unica anima laborat, licet unicæ predita sit, sed in timore & tremore versatur viri, liberorum, cognatorum, seruorum, & quo radix in plures diffunditur ramos, eo maioribus ipsa curis afficitur; & in his singulis, sine iactura pecunia facta sit, sine corpus morbo teneatur, sine quid, quod nolit, acciderit, lamentari debet, non secus ac illi,*

Plin. lib. 7.
nat. hist. c. 9.

S. Chrys. lib.
de virginit. c.
53.

Nnn qui-

466 Cap. XXXVII. Cur Deus quosdam corisages finat esse steriles
quibus acciderunt. Quod si illi prius moriantur, lugabit ipsa: quid
si parum remanserit, nec sincerum solarium reperiet; timor enim,
quo eius afficitur animus, & sollicitudo pro viuis & mortuis, tenet
bit eam. Nam autem vitam vivet, qui alienas calamitates cogitat
lugere? At, inquires, non omnibus hac accidunt semper. Sed neq;
omnes omnium sunt expertes. Quicunque autem rei periculum non
fecerunt, eos tamen eiusdem expectatione esse cruciatos. At virg-
tum a re, tum a re timore libera est. Praestat ergo status virginita-
tis. Qui autem putant se, in matrimonio, voluptatem con-
secuturos, non sint voluptati annexas esse tribulationes, vna
cum deliciis in trutinam mittendas; ad quas nunc peculiariter
considerandas accedam.

IV.

Luc. 13. 4.

Ecli. 16. 1.

Ecli. 5. 13.

1. Steriles sunt multi parentes? ita est, non potest nega-
ri. Similes sunt vxor sterilis, & arbor sterilis, quae fructus
nulos parit, & frustra terram occupat. Planè sic res habet. At
quid si multis sua sterilitas prodest? Multi damnarentur, si
lios haberent; vel quia eorum exorbitante amore Dei amorem
amitterent, & alios, per vim & fraudes, depauperarent, vt di-
tarent suos: vel quia eos in timore Domini, non educarent, sed
in omni vestium, lenocinij, vitæque vanitate. Ne incundari
in filiis impijs, ait Ecclesiasticus, si multiplicentur: nec oblectari
super ipsis, si non est timor Dei in ipsis. Non credas vita illorum, &
ne respexeris in labores eorum. Melior est enim unus timens Deum,
quam milia filij impij. Et utile est mori sine filiis, quam relinquere
filios impios, qui mundum disturbant, iram diuinam prouocant,
Orcum impleant. Quam miserum est, filios gehennæ & flam-
mis peperisse! Multi adeò sunt inopes, vt se ipsis sustentare
non possint, qui cruciantur, quoties eis filius nascitur, in ea-
dem paupertate inediaque victurus. Vnde de tali parente vul-
gus, non sine sarcasmo, dicere solet illud; Generavit filium, qui
in summa egestate erit. Ut quid hæres desideratur, vbi deest her-
editas, qui ex genitoribus egenis faciat pauperiores? & fa-
mentibus etiam id, quod modicum habent, deuoret? Sæpe eti-
am nimis audi opum corradendarum, sic dedocentur auarici-
am sectari, cum videant, sibi deesse, quibus diuitias colligant,
& accumulent thesauros. Nam si, qui steriles se esse experien-
t.